

# 大方等陀羅尼經 護戒分

北涼沙門釋法眾譯



南無本師釋迦牟尼佛


## 說明

本繁體校正版《大方等陀羅尼經護戒分》電子書，根據《乾隆大藏經》大乘單譯經，第 0417 部，北涼沙門釋法眾譯《大方等陀羅尼經護戒分》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一八年十二月



掃碼關注仁慧草堂微信公眾號

## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

### 淨口業真言

(三編)

唵. 修唎. 修唎. 摩訶修唎. 修修唎. 薩婆訶

### 淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

### 安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

## 普供養真言

(三編)

唵. 誡誡曩. 三婆嚩. 禡日囉斛

南無本師釋迦牟尼佛 (合掌三稱)

## 開經偈

(一編)

無上甚深微妙法 百千萬劫難遭遇  
我今見聞得受持 願解如來真實義

# 大方等陀羅尼經卷第四

北涼沙門釋法眾譯<sup>1</sup>

## 護戒分第四

爾時，文殊師利即從座起，偏袒右肩，右膝著地，白<sup>2</sup>佛言：「世尊！若有<sup>3</sup>比丘，世尊<sup>4</sup>去世之後，若毀四重；若比丘尼毀犯八重；若菩薩，若沙彌、沙彌尼、優婆塞、優婆夷，若毀如是一一諸戒，所犯重罪當云何滅？」

佛言：「善哉<sup>5</sup>！善哉！文殊師利，乃能請問如是等事，汝慈悲勝故，能發是問。汝若不發是問，我終不說彼惡世比丘所犯之過。善哉！善哉！文殊師利，汝今諦聽，當為汝說。

「我去世後，若有惡律儀比丘毀四重禁，默然而受檀越供養而不改悔，當知是比丘必受地獄苦而無疑也。我今當出良藥，救彼比丘重病，我<sup>6</sup>去世後，毀四重禁，羞不發露。汝今諦聽，當

<sup>1</sup> 大正藏：北涼沙門法眾于高昌郡譯

<sup>2</sup> 大正藏：而白；永樂北藏及龍藏：白

<sup>3</sup> 大正藏：若；永樂北藏及龍藏：若有

<sup>4</sup> 大正藏：於世尊；永樂北藏及龍藏：世尊

<sup>5</sup> 大正藏：嗚呼；永樂北藏及龍藏：善哉

<sup>6</sup> 大正藏：若我；永樂北藏及龍藏：我

為汝說：

離婆離婆帝 仇呵仇呵帝 陀羅離帝 尼  
呵羅帝 毗摩離帝 莎訶

「文殊師利，此陀羅尼，是過去七佛之所宣說，如是七七亦不可數，亦不可計，說此陀羅尼，救攝眾生。現在十方不可計，不可數七佛，亦宣說此陀羅尼，救攝眾生。未來不可計，不可數七佛，亦宣說此陀羅尼，救攝眾生。汝今請問陀羅尼義，我已說竟。以此陀羅尼經，救攝未來世惡律儀比丘，令其堅固住清淨地。

「善男子，若有比丘，毀四重禁，至心憶念此陀羅尼經，誦一千四百遍；誦一千四百遍已，乃一懺悔，請一比丘為作證人，自陳其罪向形像前。如是次第經八十七日，勤懺悔已，是諸戒根若不還生，終無是處；彼人能於八十七日勤懺悔已，若不堅固阿耨多羅三藐三菩提心，亦無是處。

「又，文殊師利，云何當知得清淨戒？善男子，若其夢中，見有師長手摩其頭，若父母、婆羅門、耆舊、有德如是等人，若與飲食、衣服、臥具、湯藥，當知是人住清淨戒。若見如是一一相者，應向師說如法除滅如是罪咎。

「復次，善男子，所謂比丘尼毀八重禁者，

若欲除滅八重禁罪，先請一比丘，了知內外律者，陳其罪咎向彼比丘，比丘<sup>7</sup>應如法而教此內外律，所謂：

阿隸離婆其羅帝<sup>一</sup> 羅帝婆<sup>二</sup> 摩羅帝<sup>三</sup> 阿摩羅帝<sup>四</sup> 莎訶<sup>五</sup>

「善男子，此陀羅尼，若有讀誦受持，如法修行九十七日。日誦四十九遍，乃一懺悔，隨師修行，是諸惡業若不除滅，終無是處。

「善男子，汝若不信，吾今為汝略說。我昔愚行業因緣故，十方虛空法界及大地土、山河、叢林，盡末為籌，大如微塵，尚可知數；除諸佛等，無人能知我所犯戒。十方無邊，我所犯戒亦復無邊；微塵無數，我所犯戒亦復無數；眾生無邊，我所犯戒亦復無邊；方便無邊，我所犯戒亦復無邊；法性無邊，我所犯戒亦復無邊。

「善男子，我觀如是等業甚為可畏，上至菩薩，下至聲聞，不能救我如是等苦，我即思惟如是事已，便推求此陀羅尼典，得已修行九十七日，日讀誦<sup>8</sup>四十九遍，聞空有聲而謂我言：「善哉！善哉！善男子，乃能推求此陀羅尼典。」我時聞

<sup>7</sup> 大正藏：彼比丘；永樂北藏及龍藏：比丘

<sup>8</sup> 大正藏：日讀誦；永樂北藏及龍藏：讀誦；校勘：日讀誦

已，顧視四方，見有諸佛羅列在前，一一諸佛手摩我頭，聽我悔過。

「善男子，以是因緣，我去世後，若有比丘尼犯八重禁，應當求此陀羅尼典，讀誦修行。若於夢中見如上事，知<sup>9</sup>彼比丘尼住清淨地，具清淨戒。

「復次，善男子，若有菩薩受八重禁，然後毀壞，狂亂心熱，欲自陳說，無所歸趣，無能滅者。如是罪咎，僧以<sup>10</sup>和合，令出境界，應大怖懼。此人應住一空靜室，塗治內外，極令鮮淨<sup>11</sup>，請一比丘了知內外一部律者，應自陳過，向此比丘，作如是言：「僧今擯我來至此間，我今請師亦來此間。」此師應教淨律之法，所謂：

婆羅隸 仇那羅隸 阿那<sup>12</sup>羅隸 其那羅隸  
伽那隸 阿隸那隸 阿帝那隸 阿帝那隸  
莎訶

「善男子，如是陀羅尼者，即是三世諸佛之所護持，亦是三世諸佛之所祕藏。善男子，吾昔未說，今已說之；昔所未作，今日已作；昔所未

<sup>9</sup> 大正藏：當知；永樂北藏及龍藏：知

<sup>10</sup> 大正藏：已；永樂北藏及龍藏：以

<sup>11</sup> 大正藏：塗治極令內外鮮淨；永樂北藏及龍藏：塗治內外，極令鮮淨

<sup>12</sup> 大正藏：難



聞<sup>13</sup>，今日已聞<sup>14</sup>。聞<sup>15</sup>此三因方便已，令諸眾生遇此三因方便者，速出三界。如盲者見日，如嬰兒得母，如鳥出殼，如飢人得食，如縛者得脫，如寒者得火，如裸者得衣，如迷者<sup>16</sup>得路，如渴者得水。

「善男子，我此法味亦復如是，若久住世間，若一劫，若減一劫，為諸眾生受持、讀誦、解說其義，為愚者說，當知是人與我無異，住清淨地。是人應於我生難遭之想<sup>17</sup>，自陳罪咎，若罪不滅，終無是處。」

文殊師利白佛言：「世尊！此陀羅尼者，應讀<sup>18</sup>幾遍？修行幾日乃當止耶？」

佛言：「善男子，此陀羅尼應誦六百遍，乃一懺悔。當懺悔時，應請一比丘，在其前立，口自陳罪，必令得聞。如是次第經六十七日，占其夢想如上所說更無有異。若得是相，知是菩薩住清淨地，具清淨戒。」

「復次，善男子，若有沙彌、沙彌尼、優婆塞、優婆夷毀諸禁者，亦應請一比丘了知內外律

<sup>13</sup> 大正藏：開

<sup>14</sup> 大正藏：開

<sup>15</sup> 大正藏：開

<sup>16</sup> 大正藏：人

<sup>17</sup> 大正藏：是人應於心中生遭我想；永樂北藏及龍藏：是人應於我生難遭之想

<sup>18</sup> 大正藏：誦

者，向形像前，若尊經般若前，自陳其過向此比丘，此比丘應教淨律之法，所謂：

伊伽羅帝 慕伽羅帝 阿帝摩羅帝 郁伽羅帝 婆羅帝婆 座羅竭<sup>19</sup>帝 座羅竭帝 豆羅奢竭帝 毗奢竭帝 離婆竭帝 婆羅隸阿隸 其羅隸阿隸 持羅隸阿隸 其蘭隸阿隸 提蘭隸阿隸 毗羅阿隸 莎訶

「善男子，如是陀羅尼者，我為慈愍一切眾生故，說此陀羅尼。若有下劣沙彌、沙彌尼、優婆塞、優婆夷，亦應讀誦修行此陀羅尼，誦四百遍乃一懺悔，如是次第四十七日。當懺悔時，應自陳過令彼了聞。如是次第四十七日已，如上所說夢中所<sup>20</sup>見一一事者，當知是沙彌、沙彌尼、優婆塞、優婆夷，住清淨地，具清淨戒。」

爾時，文殊師利及五百弟子<sup>21</sup>心少有<sup>22</sup>疑，佛知其意，即時告言：「如汝所念，行者應修五事，持諸戒性，所謂：不犯陀羅尼義；不謗方等經；不見他過；不讚大乘，不毀小乘；不離善友，常說眾生妙行。如是五事，是行者業，不犯戒性。」

「復次，善男子，不說上界所見；亦不說已

<sup>19</sup> 大正藏：竭（后同）

<sup>20</sup> 大正藏：得

<sup>21</sup> 大正藏：大弟子；永樂北藏及龍藏：弟子

<sup>22</sup> 大正藏：有少；永樂北藏及龍藏：少有

所行好醜之事；亦應日日三時塗地；亦應日誦一遍日一懺悔。如是五事，是行者業，不犯戒性。

「復次，善男子，復有五事：若有比丘行此法者及與白衣，不得祭祀鬼神；亦復不得輕於鬼神；亦復不得破鬼神廟；假使有人祭祀鬼神，亦不得輕；亦不得與彼人往來。如是五事是行者業護戒境界。

「復次，善男子，復有五事：不得與謗方等經家往來；不得與破戒比丘往來；破五戒優婆塞亦不得往來；不得與獵師家往來；不得與常說比丘過人往來。如是五事，是行者業，護戒境界。

「復次，善男子，復有五事：不得與腦皮家往來；不得與藍染家往來；不得與養蠶家往來；不得與壓油家往來；不得與掘鼠<sup>23</sup>藏家往來。如是五事，是行者業，護戒境界。

「復次，善男子，復有五事：不得與劫人<sup>24</sup>家往來；不得與偷盜家往來；不得與燒僧坊人家<sup>25</sup>往來；不得與偷僧祇物人往來；不得與乃至偷一比丘物人往來。如是五事，是行者業，護戒境界。

「復次，善男子，復有五事：不得與畜猪羊

<sup>23</sup> 大正藏：伏；永樂北藏及龍藏：鼠

<sup>24</sup> 大正藏：賊

<sup>25</sup> 大正藏：人

雞狗家往來，不得與觀星<sup>26</sup>曆家往來，不得與婬女家往來，不得與寡婦家往來，不得與沽酒家往來。如是五事，是行者業，護戒境界。

「善男子，如是七科五事，行者應深了觀根源<sup>27</sup>，然後捨離，其餘諸事亦復如是。

「復次，善男子，行有二種：一者，出世人行；二者，在世人行。出世人<sup>28</sup>行者，不禁如上諸事；在世人<sup>29</sup>行者，吾以禁之。何以故？譬如嬰兒，始能行時，其母護持，不聽遠行，假使遠者，或絕乳而死，或墮水火故死，或為虎狼師子之所食噉，或為蝥螻<sup>30</sup>、鷄鴉<sup>31</sup>所傷。如是嬰兒，母常將護，不令暴害<sup>32</sup>，然後長大，若有所作，必能成辦。

「善男子，我亦如是為一切母，一切眾生即是我子，常為護助，令不遭橫，速出三界，能有所辦。若不如是制諸弟子，云何當得阿耨多羅三藐三菩提耶？如彼女人，不制其兒，云何長大能有所辦？

<sup>26</sup> 大正藏：星；永樂北藏及龍藏：觀星

<sup>27</sup> 大正藏：原

<sup>28</sup> 大正藏：出世；永樂北藏及龍藏：出世人

<sup>29</sup> 大正藏：在世；永樂北藏及龍藏：在世人

<sup>30</sup> 大正藏：鷄鴉；永樂北藏及龍藏：蝥螻

<sup>31</sup> 大正藏：梟

<sup>32</sup> 大正藏：母常護持，令不暴害；永樂北藏及龍藏：母常將護，不令暴害

「復次，善男子，我諸弟子，若見如上諸惡律儀不善人輩，占相吉凶，治生販賣，一不如法諸惡之事，捨我法已，而更貪著惡律儀法，然後命終受無量苦。我時見已，心生慈愍，為諸眾生設是方便，令諸眾生乘是方便，出三界苦，得究竟樂，吾今所以設諸方便，救攝眾生，令得究竟寂滅涅槃。

爾時，文殊師利及五百大弟子、無量大眾，歡喜奉行。

大方等陀羅尼經護戒分

## ● 結誦儀

### 補闕真言

(三編)

南無喝囉怛那. 哆囉夜耶. 佉囉佉囉. 俱住俱住.  
摩囉摩囉. 虎囉. 吽. 賀賀. 蘇怛那. 吽. 潑抹拏. 娑  
婆訶.

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉  
嚩吽

南無佛 南無法 南無僧 (合掌三稱)

南無阿彌陀佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

## 迴向偈

(一編)

誦經功德殊勝行 無邊勝福皆迴向  
普願沉溺諸有情 速往無量光佛刹  
十方三世一切佛 一切菩薩摩訶薩  
摩訶般若波羅蜜

## 迴向偈

(一編)

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。

# 南无护法韦驮尊天菩萨



此咒置經書中可滅誤跨之罪